

# Fundargerð 314. fundar sveitarstjórnar Flóahrepps

**Fundarstaður:** Þingborg og í beinu streymi  
**Fundardagur:** Þriðjudagur 4. mars 2025  
**Fundartími:** 17:00-17:50  
**Fundarmenn:** Árni Eiríksson, oddviti  
Hulda Kristjánsdóttir, sveitarstjóri  
Walter Fannar Kristjánsson  
Harpa Magnúsdóttir  
Hjalti Guðmundsson

Árni Eiríksson oddviti setti fund, bauð fundargesti velkomna og leitaði athugasemda við fundarboð. Engar athugasemdir gerðar. Samþykkt að bæta við trúnaðarmálum undir lið 8. Hulda Kristjánsdóttir ritaði fundargerð.

**1. Fundargerð skipulagsnefndar nr. 297, dags. 26.02.2025**

Lögð fram til kynningar. Engin mál í Flóahreppi.

**2. Afgreiðslur byggingarfulltrúa nr. 221, dags. 19.02.2025**

Lagðar fram til kynningar.

**3. Endurskoðun Aðalskipulags Flóahrepps – Innsend tilboð**

Sveitarstjórn Flóahrepps ákvað á fundi sínum dags. 02.05.2023 að ráðast í heildarendurskoðun aðalskipulags Flóahrepps 2017-2029. Á fundi sveitarstjórnar dags. 21.01.2025 samþykkti sveitarstjórn drög að tilboðsbeiðni sem send var á sjö aðila á landsvísu sem hafa unnið að aðalskipulagi fyrir sveitarfélög víðsvegar um landið.

Alls bárust 6 tilboð í verkið:

Efla

Landform

Landmótun

Landslag

Verkís

VSÓ ráðgjöf

Sveitarstjórn Flóahrepps samþykkir að taka tilboði frá Landmótun í endurskoðun aðalskipulags Flóahrepps á grundvelli þess að um lægsta tímagjaldið er að ræða af innsendum tilboðum. Sveitarstjóra falið að ganga frá samningi um verkefnið. Sveitarstjórn leggur áherslu á að hratt verði gengið til verka og verk- og tímaáætlun framfylgt eins og kostur er.

Samþykkt með 5 atkvæðum.

**4. Götuheiti í nýrri íbúðarbyggð í Þingborg**

Sveitarstjórn Flóahrepps hefur samþykkt að fara í gatnagerð í nýrri íbúðarbyggð í Þingborg á árinu. Í gildandi deiliskipulagi nýrrar íbúðarbyggðar í Þingborg er gert ráð fyrir tveimur götum sem eru skilgreindar sem gata A og gata B.

Sveitarstjórn Flóahrepps samþykkir að efna til samkeppni um nafn á tveimur götum í nýrri íbúðarbyggð í Þingborg. Sveitarstjóra falið að auglýsa nafnasamkeppni á heimasíðu og miðlum sveitarfélagsins. Tillögum verði skilað á rafrænu formi í gegnum heimasíðu og mun sveitarstjórn velja nöfn á göturnar út frá innsendum tillögum eigi síðar en á fundi sveitarstjórnar þann 1. apríl 2025. Veitt verður viðurkenning fyrir þær tillögur sem sveitarstjórn velur.

Samþykkt með 5 atkvæðum.

**5. Fasteignasvið Flóahrepps – upplýsingar um ráðningar í störf**

Í febrúar var auglýst eftir tveimur starfsmönnum á fasteignasvið Flóahrepps. Annars vegar var auglýst eftir starfsmanni í um 40-60% starf og hins vegar í um 80-90% starf. Alls bárust 13 umsóknir um 40-60% starfið og 18 umsóknir bárust um 80-90% starfið. 10 aðilar voru boðaðir í viðtöl. Niðurstaða eftir yfirferð umsókna og viðtöl var að bjóða Hildi Kristínu Hallgrímsdóttur 40-60% starfið og Sveini Hafsteini Gunnarssyni 80-90% starfið og hafa þau þegið boð um starf hjá sveitarfélaginu.

Sveitarstjórn þakkar öllum umsækjendum fyrir sýndan áhuga á störfum á fasteignasviði Flóahrepps og býður nýja starfsmenn velkomna í starfsmannahóp sveitarfélagsins.

## 6. Fundargerðir

- a) Sveitarstjórnar Flóahrepps nr. 313, dags. 18.02.2025
- b) Íþróttá- æskulýðs- og menningarnefndar nr. 13, dags. 12.11.2024 og nr. 14, dags. 11.02.2025

Varðandi lið 2 í fundargerð um breytingu á skipulagi vegna stýrihóps um heilsueflandi samfélag í Flóahreppi þá er sveitarstjóra falið að vinna drög að breytingum þannig að verkefnabundna nefndin *stýrihópur um heilsueflandi samfélag í Flóahreppi* og þau verkefni sem undir nefndina falla færast undir fastanefndina íþróttá- æskulýðs- og menningarnefnd. Ofangreindar breytingar kalla á að erindisbréfi íþróttá- æskulýðs- og menningarnefndar verði breytt og að viðauki verði gerður við samþykktir um stjórn sveitarfélagsins Flóahrepps sem tekur á breytingunum. Drög að breytingum verði lögð fyrir í sveitarstjórn til samþykktar.

Samþykkt með 5 atkvæðum.

Varðandi lið 6 í fundargerð um að sveitarfélagið styrki heilsueflandi verkefnið *tónheilun* með því að gefa eftir húsaleigu þá samþykkir sveitarstjórn að fella niður húsaleigu til verkefnisins í félagsheimilum sveitarfélagsins út maí 2025, allt að 6 skipti.

Samþykkt með 5 atkvæðum.

Varðandi lið 7 í fundargerð um hvatningu nefndarinnar um að strandblakvelli verði komið upp í sveitarfélaginu þá tekur sveitarstjórn jákvætt í þá hugmynd. Huga þarf að æskilegri staðsetningu á slíkum velli sem að mati sveitarstjórnar ætti að vera við Flóaskóla. Sveitarstjóra falið að vinna málið áfram.

Samþykkt með 5 atkvæðum.

- c) Stjórnar Skóla- og velferðarþjónustu Árnesþings bs. dags. 17.02.2025
- d) Stjórnar Brunavarna Ánessýslu nr. 25, dags. 12.02.2025
- e) Stjórnar Byggðasafns Árnesinga nr. 15. dags. 20.02.2025
- f) Stjórn Héraðsskjalasafns Árnesinga dags. 13.02.2025
- g) Stjórnar Sambands íslenskra sveitarfélaga nr. 965, dags. 18.02.2025, nr. 966, dags. 19.02.2025, nr. 967, dags. 20.02.2025, 968, dags. 21.02.2025, nr. 969, dags. 24.02.2025 og nr. 970, dags. 25.02.2025
- h) Stjórnar Arnardrangs hses. nr. 21, dags. 27.01.2025
- i) Stjórnar Sorpstöðvar Suðurlands nr. 331, dags. 25.02.2025
- j) Stjórnar Listasafns Árnesinga dags. 26.02.2025

## 7. Efni til kynningar

- a) Frá Samtökum Orkusveitarfélaga – fundur með ráðherra og fréttatilkyning vegna lagabreytinga
- b) Frá Samtökum sveitarfélaga á köldum svæðum – Yfirlýsing ráðherra um breytingar á raforkulögum og lögum um stjórn vatnamála
- c) Frá Innviðaráðuneytinu – Opið samráð um drög að frumvarpi til laga – mat á fjárhagslegum áhrifum á sveitarfélög

- d) Frá Landsneti – Verk- og matslýsing vegna vinnu við gerð kerfisáætlunar 2025-2034
- e) Frá Sambandi íslenskra sveitarfélaga – Boðun XL. landsþing Sambandsins  
Aðalmaður er Árni Eiríksson og varamaður er Walter Fannar Kristjánsson. Að auki á sveitarstjóri seturétt á landsþinginu.
- f) Frá Innviðaráðuneytinu – Frestur til umsagnar framlengdur vegna draga að frumvarpi um Jöfnunarsjóð sveitarfélaga
- g) Viðbragðsáætlun Almanna- og Samfélagsleg áföll, langtímaviðbrögð Flóahrepps Sveitarstjórn mun fara nánar yfir viðbragðsáætlun Almanna- og Samfélagsleg áföll á vinnufundi.
- h) Næsti fundur sveitarstjórnar verður 18. mars kl. 17:00 í Þingborg og í beinu streymi.

## **8. Trúnaðarmál**

Fært í trúnaðarmálabók.

*Árni Eiríksson (sign)*  
*Walter Fannar Kristjánsson (sign)*  
*Hjalti Guðmundsson (sign)*

*Hulda Kristjánsdóttir (sign)*  
*Harpa Magnúsdóttir (sign)*